

庶物類纂

疏屬
自五十三至五十四

容

庫文官政太	
和書門	特別
類	一二三六二
號	一三五四
函	五
架	四
冊	六五

內閣文庫	
番號	和 32362
冊數	465 (263) 264
函號	附 54 - 1

五十四

共五十三






Kodak Gray Scale

A 1 2 3 4 5 6 M 8 9 10 11 12 13 14 15 B 17 18 19

© Kodak, 2007 TM: Kodak









庶物類纂蔬屬卷之五十三目次
芋

庶物類纂

蔬屬目次



芋



芋

小者為野芋，大者為天荷，俗名海芋，詳見草部毒草類。野芋根辛冷，有大毒。醋摩傳蟲瘡惡癬，其葉搗塗毒腫，初起無名者，即消。亦治蜂蠆螫塗之良。本草綱目

芋一名土芝，一名蹲鴟，今處處有之。閩蜀淮楚尤多。植之種類雖多，大抵性效相近。蜀川出者形圓而大，狀若蹲鴟，謂之芋魁。彼人種以當糧食，而度飢年。江西閩中出者形長而大，其細者如卵，生於魁旁，食之尤美。凡食芋，竝須栽時者，其野芋有大毒，能殺人。不


無物類纂卷五十三

蔬屬芋

可食。○江浙二川者最大而長。京洛者差圓小。然味佳。他處不及也。當心出苗者為芋頭。四邊附之而生者為芋子。八九月以後掘食之。明李東璧食物本草
一之名。芋。說文曰。大葉實根。駭人。故謂之芋。徐鍇曰。芋猶吁。吁驚辭也。故曰駭人。齊人謂之茗。孝經援神契謂之茗芋。廣雅謂之渠芋。葉謂之蕝。載廣志。凡十四等。有曰君子芋。大如斗。魁如杵。旅有曰車轂芋。有曰鋸子芋。有曰旁巨芋。有曰青邊芋。此四芋是。多子。有曰談芋。魁大如瓶。小子葉如織蓋。紺色而紫莖。

其長丈餘。易熟。長是為芋之最善者。莖可作羹。臍肥。澀得飲。乃下有曰蔓芋。緣枝而生。有曰鷄子芋。色黃。有曰百果芋。魁大而子繁多。畝收百斛。種以百畝。葉以養蠶。有曰旱芋。七月熟。有曰九面芋。大而不美。有曰象空芋。大而弱。使久易飢。有曰青芋。有素芋。子皆不可食。

唐本注云。芋有六種。青芋。細長。毒多。初煮。要須灰汁。易水熟。乃堪食。爾白芋。圓芋。連禪芋。紫芋。毒少。並正爾蒸者。噉之。員白連禪。又可兼肉作羹。野芋。大毒。不



可噉也。陶隱居謂之老芋，形葉相似如一根，並殺人。垂死者，飲以土漿糞汁可活。本草謂之土芝。蜀謂之蹲鴟。前漢謂之芋魁。後漢謂之芋，渠葉。兪縣有百子芋。新鄭有博士芋。蔓生而根如鵝鴨卵。今有南京芋。煮之可拍皮而食，甘滑異於它品。茅山有紫芋。吳郡所產大者謂之芋頭，旁生小者謂之芋，妳種之水田者為水芋。但廣雅曰：藉姑水芋也。亦曰烏芋。本草烏芋一名水萍，一名槎牙，一名茨菰，一名鳧茨。毘陵錄謂之燕尾草，以其葉如楹也。又名田酥，狀如澤瀉不

正似芋根黃而小，恐自為一種，非土芝之水芋也。吉安錄有乾濕二種，濕名水芋，乾名黃芋，味差劣。松志蘇之西境多水芋，以芋魁為旱芋。嘉定名之博羅，又有皮黃肉白，甘美可食，莖葉如扁豆而細，謂之香芋。又有引蔓開花，花落即生，名之曰落花生，皆嘉定有之。

二之食忌 本草云有毒。陶隱居曰：生則有毒，性滑尤為服餌家之所忌。博物志云：野芋狀小于家芋，食之殺人。蓋欬也。家芋種之三年不收，旅生亦不可食。

劉禹錫云十月後曬乾收之冬月食不發病它時月不可食久食則虛勞無力圖經曰食之過多則有損傷唐本云多食動宿冷

三之藝種芋之古法汜勝之書曰區方深皆三尺取豆箕納區中足踐之厚尺五寸取區上濕土和糞納區中箕上厚尺二寸以水澆之足踐令保澤取五芋子置四角及中央足踐之旱則數澆箕爛芋生子皆長三尺一區收三石

齊民要術云宜擇肥緩土近水處和桑糞之二月注

雨可種率二尺下一本芋生根欲深劬其旁以緩其土旱則注之有草鋤之不厭數多治芋如此其收常倍

崔寔曰正月可種芋

家政法曰二月可種芋

務本新書曰芋宜沙白地地宜深耕二月種為上時相去六七寸下一芋芋羞三日衆人來往眼目多見并聞刷鍋聲處多不滋胤比及炎熱苗高則旺頻鋤其旁秋生子葉以上壅其根霜後收之又云區長丈

餘深濶各一尺區行相間一步寬則透風滋胤
物類相感志江湖所生土芋磊塊自實若天雷頻則
多生若耕種欲取不得名之若呼芋字則逡巡不見
矣

種芋之今法十月收芋子不必芋魁恐妨鬻食但擇
旁生圓全者每畝約留三千子掘地尺五寸窖藏之
上覆以土若不藏經凍則踈壞無力矣至開春地氣
通可耕先鋤地摩塊曬得白背又倒土以曬二三次
去其草每畝用圓糞二十擔勻澆候糞入土即再鋤

轉否則糞見日而力薄臨種下水之後再下豆餅五
斗清明後下秧秧田種田皆宜加以新土和菜之否
則時埤硬礫損子秧田鋤過曬得白背車水作平出
所窖芋子有芽者以芽其上無芽者以根在下密布
田中以稻草蓋之日曝其芽萎瘁日澆水一次或隔
日亦可待芽間吐發三四葉長二三寸即可種矣葉
多而太長則種之必盡落故葉而重吐發是為失時
種時相去一尺八寸下一芋子或一尺六寸種必在
小滿前種後肥土必深沸宜去其草乾一二日其根

乃行不乾則根腐黃而不生乾至小小土圻即上水
若大圻則乾壞矣常常使潤澤種時以陰天乃為佳
至七月乃塘塘法在芋子四角之中掘其土遍畝皆
然壅在根上則土緩而結子圓大霜後起之芋魁每
千可鬻白金一兩芋姝千斤可鬻白金一兩五錢田
之有瓦礫者不可種凡種二歲必再易田不然則不
長旺所易之田種禾仍佳

凡種旱芋於二三月間往杭州買白者方是須求鬆
土淺耕下秧俟秧出復耕地懸閑三四寸種後以土

厚壅其根曰漑之以水糞苗長不必糞則旁生小者
尤多於水芋

其種就留於地冬間覆以稻草至明年二三月間起
曝乾再下秧復如前種

四之事 史記卓王孫曰岷山之下沃野下有蹲鴟
至死不飢蹲鴟者大芋也

左思三都賦所謂蹲鴟之沃則以為濟世陽丸是也
袁安為陰平長時年飢租入不畢安聽使輸芋曰百
姓飢困長何得食穀先自引芋而食


薛包歸先人塚側種稻芋稻以祭先芋以自給
李雄克成都衆甚飢餒乃將民就穀于郫掘野芋而
食之

列仙傳曰酒客為梁使蒸民益種芋三年當大飢卒
如其言梁民不飢

齊民要術曰芋可以度飢饉度凶年今中國多不
此為意後生有耳目所不見聞者及水旱風蟲霜雹
之災便能餓死滿道白骨交橫知而不種坐致泯滅
悲夫人君者安可不督課之哉
以上明黃省
曾種芋法

芋前漢書曰岷山之下沃野有蹲鴟顏師古注曰芋

人曰莒蜀漢為最○說文曰芋大葉實根駭人者故
謂之芋○廣雅曰渠芋其葉謂之蕪藉姑水芋也亦
曰烏芋○廣志曰蜀漢既繁芋民以為資凡十四等
有君子芋大如斗魁如杆菴有車轂芋有錐子芋有
勞巨芋有青泥芋此四芋多子有淡善芋魁大如瓶
少子葉如散蓋紺色紫莖長丈餘易熟長味芋之最
善者也莖可作羹臠肥澀得飲乃下有蔓芋綠枝生
大者次二三升有雞子芋色黃有百果芋魁大子繁
多畝收百斛種一百畝以養氣有早芋七月熟有九
面芋大而不可食莖可為植凡此諸芋皆可乾又
有素芋子皆不可食莖可為植凡此諸芋皆可乾又
可藏至夏食之又百子芋出葉俞縣有魁芋無旁子
生永昌縣有大芋二升出范陽新鄭○風土記曰博
士芋蔓生根如鵝鴨卵○王禎曰芋葉如荷長而不
圓莖微紫乾之亦中食根白亦有紫者其大如斗食
之味甘旁生子甚夥拔之則連茹而起宜蒸食亦中



為美臙東坡所謂玉糝羹者此也煮法宜先用鹽微滲之則不糝糊○明徐光啓農政全書

泥勝之書曰種芋區方深皆三尺取豆其內區中足踐之厚尺五寸取區上溼土與糞和之內區中其上令厚尺二寸以水澆之足踐令保澤取五芋子皆長三尺一區收三石同上

又種芋法宜擇肥緩土近水處和柔糞之二月注雨可種芋率二尺下一本芋生根欲深斫其旁以緩其土旱則澆之有草鋤之不厭數多治芋如此其收常倍又列仙傳曰酒客為梁令丞民益種芋後三年當

大飢卒如其言梁民不死案芋可以救飢饉度中山芋今中國多不以此為意後

生中有耳目所不聞見者及水旱風露霜雹之災便能餓死滿道白骨交橫知而不種坐致泯滅悲夫人君者安可不督課之也哉○同上

崔寔曰正月可種芋同上

家政法曰二月可種芋也同上

務本新書曰芋宜沙白地宜深耕二月種為上時相去六七寸下一芋芋羞三月衆人來往眼目多見并聞刷鍋聲處多不滋胤比火炎熱苗高則旺頻鋤其旁秋生子葉以土壅其根芋可以救飢饉蟲蝗不

能傷霜後收之冬月食不發病其餘月分不可多食
 霜後芋子上芋白壁下以液漿水燻過熟乾冬月炒
 食味勝蒲筍區芋區長丈餘深濶各一尺區行相間
 一步寬則透風滋胤同上
 便民圖纂曰芋之種須揀圓長尖白者就屋南簷下
 掘坑以礮糠鋪底將種放下稻草蓋之至三月間取
 出埋肥地待苗發三四葉於五月間擇近水肥地移
 栽其科行與種稻同或用河泥或用灰糞爛草壅培
 旱則澆之有草則鋤之若種旱芋亦宜肥地同上

齊民要術曰芋種宜軟白沙地近水為善芋畏旱故宜近水
 區深可三尺許區行欲寬寬則過風芋本欲深深則
 根大率二尺一根漸春宜種秋宜壅立夏種不生卵
 肥漸加土壅之霜降揆其葉使收液以美其實則芋愈大而愈肥
 汜勝之書云區方深各三尺下實豆其尺有五寸以
 糞著其上深如其其一區種五本復以糞土上覆之
旁四本中一本芋成其爛皆長三尺此亦良法今之農
 本漸漸培之不然但于淺土秧子俟苗成移就區種故其利亦薄
 其可不知此法夫五穀之種或豐或歉天時使然芋

則繫之人力若種藝有法培壅及時無不獲利以之
度凶年濟飢饉助穀食之不及上同


玄扈先生曰芋有三種一曰雞窠芋一曰香沙芋一
曰截頭芋香沙芋味美根株小子少截頭芋根株大
高可四五尺魁大子少惟雞窠芋魁大子多清明前
十日下種三月中多用濃糞灌之四月細耘之種芋
宜在稻田近牆近屋近樹之處雨露不及種稻則不
秀惟芋則收五六月中起之壅根每科作小整敦更
澆濃糞二次七八月收每科并魁子可二斤二尺一

本一畝得二千一百六十本為芋四千二百二十斤
秋月禾苗未收斯續乏之大用歟芋幹剝去皮乾之
亦蔬茹中上品上同

備荒論曰蝗之所至凡草木葉無有遺者獨不食芋
桑與水中菱芡宜廣種之上同

譜曰鋤芋宜晨露未乾及雨後令根旁空虛則芋大
子多若日中耘則大熱熱則蒿上同

芋苗本草一名土芝俗呼芋頭生田野中今處處有
之人家多栽種葉似小荷葉而偏長不圓近蒂邊皆



有一割音霍兒根狀如鷄彈大皮色茶褐其中白色味辛性平有小毒葉冷無毒救飢本草芋有六種青芋細長毒多初煮須要灰汁換水煮熟乃堪食白芋真芋連禪芋紫芋毒少蒸煮食之又宜冷食療熱止渴野芋大毒不堪食也同上
芋一名土芝一名蹲鴟一名苕在在有之蜀漢為最京洛者差圓小葉如荷長而不圓莖微紫乾之亦中食根白亦有紫者南方之芋子大如斗旁生子甚多皮上有微毛如鱗次裏之拔之則連茹而起味甘蒸

煮任意溼紙包火煨過熟乘熱噉之則鬆而膩益氣充饑亦可為羹臠若和皮水煮冷啖堅頑少味最不易消廣志所載凡十四種君子芋談善芋百果芋雞子芋博士芋他如車轂芋鉅子芋勞巨芋青泥芋四種皆多子可乾腊亦可藏至夏皆種之美者餘不具錄芋味平除煩止渴可以療饑可以備荒小兒戒食滯胃氣難化有風疾服風藥者最忌多致殺人荒論曰蝗之所至凡草木葉無有遺者獨不食芋桑與水中菱芡宜廣種之

明王象晉群芳譜

擇種十月揀根圓長尖白者就屋南檐下掘坑以礬糠鋪底將種放下稻草蓋之勿使凍爛至三月間取出埋肥地待早苗發三四葉於五月間擇近水肥地移栽其科行與種稻同或用河泥或用灰糞爛草壅培旱則澆之有草則去之若種早芋亦宜肥也同上栽種正二月將耕過地先鋤一遍以新黃土覆蓋三月中擇壬申壬午壬戌辛巳戊申庚子辛卯日將芋芽向上種候生三四葉高四五寸五月移栽大抵芋畏旱宜近水軟沙地區深可三尺許行欲寬寬則過

風本欲澆澆則根大春宜種夏種不生秋宜壅失壅則瘦鋤宜頻澆宜數霜降宜拔其葉使取葉鋤開根邊土上肥泥壅根使力回於根則愈大而愈肥肥泥勝之書云區方深各三尺下實豆箕尺有五寸以糞著箕上如箕厚一區種五本要勻再以糞土覆之芋成箕爛皆長三尺南方多冰芋北方多旱芋總之地皆宜肥水芋二尺一科畝為科二千一百六十科收魁若子二斤畝為斤二千三百二十以備荒救饑已數倍于作田矣種芋之地衆人往來眼目多見及聞刷

魚鱗類 卷五十三

鍋聲多不孳生上同

鋤芋宜晨露未乾及雨後耘鋤令根旁虛則芋大子

多若日中耘大熟則蒿以灰糞培則茂上同

水芋不必耘但亦宜肥地上同

七月乃塘法在芋四角掘土壅根則土暖結子圓大

霜後起之上同

芋莖繁宜剝取淖曬乾煮食味極甘美上同

製用芋餽飢者熟去皮搗爛以細布紐去渣和麩

豆粉為糝捍切粗細任意初煮二十沸如鐵至百沸

軟滑汁食之和鯽魚鱧魚作臠食良上同

微糝以鹽則煮不模糊上同

霜後芋子上芋白磬下以液漿水燻過曬乾冬月炒

食味勝蒲筍上同

聞山中取大芋曝極乾和土築牆經久不壞荒年

取用或去皮搗爛塗壁歲歲加之亦經久不壞第芋

多惡種無論野生即園所植亦須擇種厚壅不然

有青色多斑駁者味最劣青芋多毒先以灰汁煮薑

亦可次易水煮熟乃堪食野芋有大毒種芋三年不

無物類纂 卷五十三

蔬屬 芋

採成稻芋形葉俱相似根竝殺人誤食者漿及大豆汁糞汁灌之良上同

煮芋汁洗臙衣潔白如玉上同

君子芋大如斗魁如杵菘談善子少而魁大易熟味長芋之最善者百果子多而魁亦大雞子芋色黃緣枝生博士芋蔓生根如鵝鴨卵上同

芋名土芝一名蹲鴟芋數種叢生有水芋有早芋大者為魁小者為子荒芋可以度饑本草曰芋味辛平有毒主寬腸充肌膚滑口久食令人虛勞無力冬月

食之不發病紫芋毒少青芋毒多野芋殺入廣志曰君子芋大如斗魁青邊芋淡善芋大如瓶少子葉如撒蓋細色紫莖孝經援神契曰仲冬鼎星中收莒芋米均曰莒亦芋風土記曰博士芋蔓生根如鵝鴨卵莊子徂公賦芋杜詩園收芋栗芋栗果木也誤以為芋非唯相傳昔人有擁爐煨芋詩溪夜一爐火渾家團圍坐煨得芋頭熟天子不如我則此品可當南面王樂豈獨禦窮哉有老僧築芋為塹以度凶歲人多賴之種法先擇善種於南簷掘坑以礬糠鋪底將種

放下用稻草蓋之。至三月間取埋肥地發數葉移栽
近水處區行欲寬寬則過風芋本欲濃濃則根大壅
以河泥或用灰糞霜降振葉使液歸根吳中所種最
大無過茶甌粵東西則有大至十斤者切片炙亦
佳小芋叢生大芋身俗呼芋孀和雞肉煮及烹素饌
皆堪啖。明周文華致富全書
本草一名土芝俗名芋頭生田野中今處處有之人
家多栽種葉似小荷葉而偏長不圓近蒂邊皆有一
刺音兒根狀如雞蛋大皮色茶褐其中白色味辛性

平有小毒葉冷無毒

明俞汝為荒政要覽

芋一名土芝齊人曰苕蜀呼為蹲鴟在在有之蜀漢

為最

顏師古注蹲鴟芋也

葉如荷長而不圓莖微紫乾之亦中

食根白亦有紫者其大如斗食之味甘旁生子甚夥

拔之則連茹而起宜蒸食亦中為美曠東坡所謂玉

糝羹者此也煮法宜先用鹽微滲之則不模糊廣志

所載凡十四種其大如斗魁如簇者名君子芋子少

而魁大者為談善芋子多而魁亦大者為一果芋畝

收百斛又有車轂鋸子青邊旁巨四種惟多子他如

緣枝生而色之黃者則有雞子芋蔓生而根如鵝鴨
 卵者則有博士芋餘悉下品不復具錄凡此諸芋皆
 可乾醋亦可藏至夏食之種宜軟白沙地近水為善
 芋畏旱故區深可三尺許區行欲寬寬則過風芋本
 宜近水芋畏旱故區深可三尺許區行欲寬寬則過風芋本
 欲深深則根大率漸二尺一根春宜種秋宜壅立夏
 而瘦不肥生卵秋失壅霜降揆其葉使收液以美其實則芋愈
 大而愈肥肥泥勝之書云區方深各三尺下實豆箕尺
 有五寸以糞著箕上深如其箕一區種五本復以糞
 土上覆之旁四本中一芋成箕爛皆長三尺此亦良
本漸漸培之

法今之農不然但於淺土秧子俟苗成移就區種故
 其利亦薄其可不知此法按列傳云酒客為梁使丞
 民益種芋三年當大饑率如其言而梁民得不死卓
 氏曰岷山之下沃野有蹲鴟至死不饑且夫五穀之
 種或豐或歉天時使然芋則繫之人力若種藝有法
 培壅及時無不獲利以之度凶年濟饑謹助穀食之
 不及故次於稼穡之後上同

庶物類纂卷之五十四


庶物類纂蔬屬卷之五十四目次

芋


庶物類纂卷之五十四

蔬屬目次

本草綱目卷之十四



芋



庶勿類纂卷之十四

蔬屬

芋

一

本草綱目卷之四

芋

芋宜沙白地地宜深耕二月種為上時相去六七寸
下一芋芋羞三月衆人來徃眼目多見并聞刷鍋聲
處多不滋胤比火炎熱苗高則旺頻鋤其旁秋生子
葉以土壅其根芋可以救饑謹蟲蝗不能傷霜後收
之冬月食不發病其餘月分不可多食霜後芋子
芋白壁下以液漿水煤過晒乾冬月炒食味勝蒲笋
區芋區長丈餘深濶各一尺區行相間一步寬則透
風茂胤俞宋本種蔬疏
居家必備

燕勿須食

蔬屬

芋

二

歉歲粒米無一收下有蹲鴟餒不憂大者如盞小如
球地墟文火煨悠悠須臾清香戶外幽剖之忽然眉
破愁玉脂如昉粉且柔芋魁芋魁滿載甌朝啖一顆
鼓腹游飽餐遠勝爛羊頭何不封汝關內侯角東屠本畷野
菜筴
山芋青青田芋輒田家藉作凶年飯芋禾米采翩其
翻飽食山中行得遠昨者山人遺一盃平平之腹安
居諸食之甘欲獻天子共笑老夫慙且愚同上
芋古名蹲鴟吾土最佳有水旱紫白二種旱者不可

食此地若種之得法有十竹者明王敬美學圃雜疏
梁權貴讀誤本蜀都賦注解蹲鴟芋也而為羊字後
有人餉羊肉答書云損惠蹲鴟唐率府兵曹參軍馮
光震入集賢院校文選又注蹲鴟為今之芋子即是
著毛蘿菡此二事一出顏氏家訓一出譚賓錄竝足
軒渠滿朝貽笑千古言戲瑕
服風藥禁食芋不惟無効亦甚相反揚誠齋語此嘗
見人立至于死俞并續醫說
嬾殘師詩云深夜一爐火渾家團樂坐煨得芋頭熟

燕物類纂 卷五十四 蔬屬 芋 三

天子不如我明陳繼儒
辟寒部

洪邁老圃賦云織女星耀而瓜薦大昂中而芋食春秋
元命苞云織女星主瓜果孝經援神契云仲冬昂星
中收芋莒正用此二事明陳繼
儒書蕉

跋鴟貨殖傳下有跋鴟至死不飢師古曰跋鴟謂芋
也其根可食以充糧故無飢年華陽國志曰汝山郡
都安縣有大芋如蹲鴟然明況叔祺
考古辭宗

芋處處有之蜀川出者形圓而大狀若蹲鴟謂之芋
魁江西閩中出者形長而大葉皆相類其細者如卵

生於大魁傍食之尤美味辛平主寬腸胃充肌膚滑
中一名土芝明王思義三
才圖會續集

芋葉似荷而不圓一名土芝一名蹲鴟種之水田荒
年可以濟饑朱晦翁詩云沃野無荒年正傳蹲鴟刀
是也坡詩香似龍涎仍釀白味如牛乳更全清莫將

南海金齋膾輕比東坡王粲美明慎懋官華夷花
木鳥獸珍玩考
芋益氣充飢惠州富此物然人食者不免瘴吳遠遊
曰此非芋之罪也芋當去皮濕紙包煨之火過熟乃

熟噉之則鬆而膩乃能益氣充飢今惠州人皆和皮

煮令噉堅頑少味 發瘴固宜 蘇沈良方○明周守中養生類纂○明胡

文煥延壽書

芋餅方生芋妳搥碎和糯米粉為餅油煎或夾糖豆沙在內亦可或用椒鹽糖拌核桃橙絲俱可 明高濂遵生八牋

山羊頭米芋為片用槌子煮過去苦杏仁為末少加醬水或鹽和麵將芋片拖煎食之 同上

種芋子宜近水肥地每顆根邊用盒過菜荳殼壅之或用麻灰糞牛羊踏過爛草壅其周圍則易長大有

草宜頻鋤之早則以水澆灌之人家園邊水側皆可

種忽值饑年可接糧食用 明盧翰月令通攷

放芋根芋苗正旺鋤開根邊土却上別泥及蟠稗葉

則刀全芋頭與子脚大不然苗盛芋小 同上

種芋蕪先將園地鋤過一遍又以新黃土覆在鋤過

地上却將芋芽向上密排種之用草覆蓋候發出三

四葉約四五寸高於三月間移栽之 同上

種芋法區宜深闊取豆箕納區中足踐之取芋種置其上復踐之令實數澆之芸不厭煩 山居四要

芋于五月間擇近水肥地移栽其科行與種稻同或用河泥或用灰糞爛草壅培旱則灌之有草則鋤之

野錄。同上。

芋十月收子擇苟生圓者窖封不經凍至春入肥熟土種用豆餅少許清明後下秧加新土肥地壅種頻灌待芽吐三四葉移種隔尺餘以小滿時令乾一二日行根常使潤澤至七月乃塘塘法在芋子四角之中掘土壅根則主煖子大霜後起

明馮應京月令廣義

芋每月上子每一大芋十二小子

芋以十二子為衛亦應月數

續博物志。同上。

廣志云蜀漢既繁芋民以為資凡十四芋有君子芋大如斗魁有百果芋魁大子繁多畝收百斛種一百

畝葉以養蔬

明陳禹謨駢志

又梁氏有葵朗諱純既不涉與遂呼尊為露葵面牆之徒遮相倣倣承聖中遣一士大夫聘齊主客郎李恕問梁使曰江南有露是尊水鄉所出卿今食者綠葵菜耳

同上

顏氏家訓江南有一種貴讀誤本蜀都賦注解蹲鴟

芋也而為羊字後有人餉羊肉荅書云損惠蹲鴟舉朝驚駭不解事義久後尋繹方知如此上同

大唐新語東宮衛佐馮光震入院校文選兼復注釋解蹲鴟云今之芋子即是著毛蘿蔔院中學士向外

說蕭嵩聞之撫掌大笑上同

芋一名土芝一名蹲鴟有數種有君子芋大如斗魁

青邊芋大如瓶葉如蓋細色紫莖春二月畦而種之

秋末冬初可掘取而食襍俎雀芋狀如雀頭置乾地

反濕置濕地復乾飛鳥觸之墮走獸過之僵明彭大翼山堂

肆考

宋何隨郫縣人初仕蜀為安漢令蜀亡去官時已土

饑送吏取民芋以自給隨即以綿繫其處償直後民

視芋見綿相與語曰聞何安漢清廉必此人也上同

芋大者長一尺二三寸永昌府。明陸應陽廣輿記

芋子今人呼為土蓮朝鮮許浚東醫寶鑑

芋有泥芋乾芋二種九江府志

芋有水芋旱芋兒芋山芋麪芋紫芋溫州府志

芋紅白青黃番各種惠州府志

蹲鴟俗呼芋芡水陸二種新修餘姚縣志

芋名土芝亦曰蹲鴟蜀卓氏曰汶山之下沃野下有

蹲鴟至死不飢其大名芋魁翟方進傳飯我豆食羹

芋魁野生者殺人撫州府志

芋葉似荷而不圓一名土芝一名蹲鴟泉州府志

機謹按南安縣志同

芋有六種鄉土多種白芋烏程縣志

芋芡有大小三種嘉定縣志

芋古謂之蹲鴟大者名芋魁傍生小者為芋孀一種

色微黃味美名香芋別一種蔓生花花落即生雖

類香芋而味不及江陰縣志

芋古謂蹲鴟大者名芋魁葉能療蜂螫見筆談一種

色微黃名香芋別一種引蔓生花花落即生土人謂

之落花生同上

芋種類不一紫芋出茅山其外有北芋綿紗芋糖芋

紫莖芋黃莖芋香芋水芋重修鎮江府志

芋本草圖經云蜀川生者形圓而大狀如蹲鴟謂之

芋魁閩中出者形長而大小者如卵生於大魁傍食

之尤美八閩通志

芋紫稈大葉蜀人名為蹲鴟常熟縣志

芋有一種即蹲鴟廣西通志

芋有水陸二種紹興府志

芋有水芋旱芋二種形味頗同又有大者俗呼為芋

頭蓋即昔人云大者如蹲鴟謂之芋魁者也大倉州志

芋本草圖經云蜀川生形團而大狀如蹲鴟謂之芋

魁閩中出者形長而大小者如卵生于芋魁之傍食

之尤美一名土芝汀州府志

芋蹲鴟也一名土芝陶隱居曰錢塘最多閩蜀淮甸
尤殖此種本草圖經云蜀川生形團而大狀如蹲鴟
謂之芋魁閩中出者形長而大小者如卵生于芋魁
之傍食之尤美有六種有青芋有紫芋有真芋有白
芋有連禪芋閩書

芋一名土芝一名蹲鴟大為芋魁亦名芋渠小為芋
子漳中產者以芋子為佳揚雄賦曰蹲鴟沃野世濟
陽九注云濟人饑也漳州府志
芋即蹲鴟農家藉此以助歲計袁州府志

芋土人稱芋頭猶江東稱芋苗也種甚多有早芋與
早稻同熟其質甚小有青芋白芋南芋黃芋其芋魁
大如斗旁綴數十計古名土芝史記作蹲鴟入羹甚
美蘇子瞻玉糝羹是也農家雜米作飯葉丞暴為旨
蓄作菹尤良一種水際種之葉入醋生啖謂之生葉
芋薯蕷俗止稱儲有鷄步儲相綴如連鷄有燕脂儲
去粗皮近肉一層如燕脂有甜儲多毛肉甚甜肇慶府志
芋即蹲鴟種水田曰水芋山鄉曰旱芋吳縣志
芋一名土芝一名蹲鴟大為芋魁小為芋子圖經曰

閩中出者形長而大細者如卵生魁侑食之尤美楊
雄賦曰蹲鴟沃野世濟陽九注云濟人飢也海澄縣志

芋有甜麻紫白水諸種重修靖江縣志

芋一名蹲鴟水陸二種可濟飢寧洋縣志

芋品多惟椰芋佳福寧州志

芋其葉中之嫩心者俗名芋荷亦可食然鄉民之儉
者即其莖亦不忍棄多曬乾丞而食之萬曆杭州府志

岸芋色青白水芋色紫其莖葉竝可食與芋同同上

鳳芋鳳山縣大呂覓山上相傳大呂覓番原居此山

有芋一叢高丈餘月將出時有二物如鳳凰從芋下奮翮振羽騰飛戾天其番驚怪始移居社內云臺灣府志內山叢峰陡峻鮮五穀斫樹燔根鋤山以種芋魁大者可六七觔貯以為糧食之法掘坎積薪燒炭為火窖投芋于中炭覆之仍掩以土熟殊香美聚一社之眾發而噉焉不分彼此甲盡則乙魚貫而啓以果其腹或曰此南路傀儡番俗也或曰內山諸番大都如是諸羅縣志芋葉似荷而不圓莖亦可作臙菹一名土芝一名蹲

鴟大曰魁小曰子楊雄賦蹲鴟沃野世濟陽九言能濟人也廣志云芋有水旱二種旱芋山地可種水芋水田蒔之根葉皆相似而水芋殊勝北路種於園檳榔芋頗佳大而鬆紅根相連如檳榔子故名秫米芋軟而黏色白又鳳山淡水芋極大魁重至七八觔北路內山番亦有之同上芋若蹲鴟謂之芋魁今出城西砂田者佳台州府志芋坡水二種坡曰麩芋曰雞母芋曰東芋水曰水藜子瓊山縣志

芋有水芋旱芋旱不及水可久貯以救荒嘉興府志

芋一名蹲鴟益氣寬腸胃其嫩葉中心亦可食南昌府志

芋土芝一曰筠漢卓氏聞岷山沃野有蹲鴟求遷臨

邛邛陽縣志

芋有登芋黃芋青芋數種高明縣志

土人稱芋頭猶江東稱芋苗也種甚多有旱芋與早

稻同熟其實甚小有青芋白芋南芋黃芋其魁大如

斗旁綴數十許古名土芝史記作蹲鴟入羹甚美蘓

子瞻玉糝羹是也農家雜米作飯葉蒸暴為旨蓄作

菹尤良一種水際種之葉入醋生啖謂之生葉芋高要縣志

縣志

芋頭有青黃紫白數種大者魁小者子莖可作羹臠

及菹一名土芝一名蹲鴟以芋魁狀若鴟蹲坐故也

春夏之交貧民以芋代飯坡公所謂玉糝羹也陽春縣志

芋一名土芝一名蹲鴟朱晦菴詩所謂沃野無凶年

止得蹲鴟力區種萬葉青深恨奉朝食蓋謂此也其

莖可愈蜂螫丹徒縣志

機謹按鎮江府志同

本草綱目卷之九

芋俗曰芋頭根下子可食懷寧縣志

芋有野芋生溪澗大毒不可食太平府志

芋芋同葉似荷而尖根如蹲鴟微火煨食味膩美故

又名蹲鴟安慶府志

芋一名土芝一名蹲鴟農人多種以助歲計○三都

賦所謂濟世陽丸也○朱晦菴詩沃野無凶年正得

蹲鴟力區種萬葉青滾煨奉朝食其莖可愈蜂螫金壇

縣志

芋即蹲鴟有水旱二種小曰芋芳大曰芋魁又一種

名波羅芋一枚重四五觔出萬涇蘇州府志

芋古謂蹲鴟然有二種宜燥地者名火芋宜濕地者

名麵芋廣信府志

機謹按鉛山縣志同

蹲鴟即芋也昔高僧居山惟種芋三百六十本日餐

其一不遊人間因之得道天台山方外志

芋一名土芝史記作蹲鴟有水旱二種旱芋微辛不

若水芋甘芋生應月數每魁有十二子遇閏則益一

子民間收儲可以代糧凶歲尤宜多種蝗所經苗稼

蔬屬芋

蔬屬芋

芋

三

草木無遺獨不及芋故知芋足禦荒矣每芋一畝其
入視稻三倍下田近水處尤良揚州府志
芋味辛甘性平滑二月種六月收有黃白南芋早芋
名種宜水澤中貧人雜米為飯并作羹番禺縣志
芋狀如蹲鴟種生十二子俗以為應月之數蓄之可
代糧古詩云沃野無凶荒正得蹲鴟力區種萬葉青
深可奉朝食又擣之範為墜用砌作牆數十年不敗
可煮碎充饑防兵圍城患又製為蓼花糖携以餽遠
代土產良種之須高沃地如壅木畝數倍收穀但有

野芋生溪澗中不可食當塗縣志

芋葉徑尺餘苗高三四尺中為芋頭旁為芋子種少
收多最堪助食野人所利有野芋不可食建昌縣志

芋有山水二種水芋種水田中禾幹紫色為紫芋體
潤而滑平原有之山芋不甚需水禾幹色黃抽心開
黃花則止謂之黃芋平原無水處亦種蓋農家煮之
以飽腹非止作菜也香芋須一二年掘用其子根乃
大而香園圃中偶種之不多也東陽縣志
芋東坡嘗以山芋作玉糝羹詩云香似龍涎仍皜白

燕物類彙編卷五十四 蔬屬 芋 十四

味如牛乳更金清莫將北海金鑿鱠輕比東坡玉糝

芋岸芋也有白紫二色葉似蹲鴟故又名蹲鴟又有

一種曰香芋味甘復饒清芬仁和縣志

芋一名蹲鴟根大若鴟之蹲坐也曝可代糧葉堪作

茹汁浣膩衣色白如玉六合縣志

芋古謂蹲鴟亦名土芝又三都賦所謂濟世陽丸是

也其生溪谷者為野芋不可食江西通志

芋即蹲鴟大者名芋魁旁生小者為芋姪其苗亦可

何作菹一種出嘉定名博羅姑蘇志

芋陶隱居云蜀川生者形圓而大狀若蹲鴟之芋魁

閩中出者形長而大細者如卵生於魁之傍食之尤

美州北下洋則尤多三山志

芋一名土芝農遺雜疏曰吾鄉水芋今略止三種一

曰香沙芋味勝他種子少根株亦細一曰椿頭芋根

株高四五尺魁大子少一曰鷄窠芋根株亦高四五

尺魁大子多大都江南諸郡留都京口為勝早芋亦

有數不如北土者良或執言土各異宜種隨地變余

南還携此種歸種之累年亦不變也松江府志

說文大芋實根駭人故謂之芋 廣雅渠芋也其葉

謂之蕝昨 爾雅翼芋之大者前漢謂之芋魁後漢

書謂之芋渠 種芋法吳郡所產大者謂之芋頭嘉

定名之博羅旁生小者謂之芋妳佩文齋廣群芳譜

晉書李雄載記雄尅成都軍饑甚乃率眾就穀於郡

掘野芋而食之同上

南史孝義傳鮮于文宗漁陽人年七歲喪父父以種

芋時亡至明年芋時對芋嗚咽如此終身同上

孝經援神契仲冬日昴星中收苜蓿同上

王堂問詒問皂山一寺僧甚專力種芋歲收極多杵

之如泥造漚為牆後遇大饑獨此寺四十餘僧食芋

漚以度凶歲同上

爾雅翼唐開元中蕭高奏請注文選東宮衛佐馮光

進解蹲鴟云今之芋子即是著毛蘿蔔高聞大笑同上

芋別名蹲鴟一作跋鴟大者曰芋魁見漢謠亦作芋

渠馬融頌芝苒芋渠注芋魁也蓋渠魁相通清方以智通雅

芋味辛平有毒寬腸胃充肌膚多食困脾滯氣一名

葉敷諸般癰疽腫毒及諸蟲咬傷神效

蹲鴟有水旱二種旱芋山地種水芋水田種水芋味勝莖亦可食種法先於南簷掘坑以礬糠鋪底將芋種放下用稻草蓋之三月埋肥地苗發數葉移栽近水處區行欲寬寬則透風芋本欲滾滾則根大壅以河泥或用灰糞霜降振葉使液歸根當心出苗者為芋頭四邊附之而生者為芋子又一種野芋有毒能殺人清石巖逸叟增定致富奇書

機謹按一名蹲鴟以下清周玉息農圃六書同芋每月一子每年芋十二子清來元成博學彙書

隴川宣撫司蹲鴟有大者長一尺二三寸清來元成博學彙書

蹲鴟貨殖傳卓王孫曰吾聞岷山之下沃野陰下有

蹲鴟至死不飢師古曰謂芋也葉如繖蓋細色紫莖其根可食以充糧故無飢年蹲坐也

居也芋頭形類鴟鳥之居○清李漁閑情偶寄

芋之本身無味借他物以成其味者也同上

續博物志芋以十二子為衛應月之數也史記項羽

本紀士卒食芋菽索隱註芋蹲鴟也康熙字典

芋葉似荷而長不圓根白可食或曰莖可作羹臠及

菹大者魁小者子東方朔傳關中土宜薑芋芋魁一

名芋渠馬融頌芝栲芋渠洪邁老圃賦大鼎中而芋
食註援神契云仲冬昴星中收芋黃庭堅曰杜甫詩
黃獨無苗山雪盛註一名土芝俗曰土卵一說本草
赭魁註黃獨內白皮黃杜註與芋溷芋又名蹲鴟史
記卓王孫曰嶠山之沃野下有蹲鴟至死不饑註芋
魁狀若蹲鴟坐故名顏之推曰江南一權貴讀誤本
蜀都賦註蹲鴟芋也芋謠為芋適人饋羊肉谷書云
捐惠蹲鴟舉朝異之又雀芋奚毒也根大者如椀至
毒段成式曰雀芋置乾地反溼溼地反乾飛鳥觸之

墮獸食之僵造酒家以此汁封甕頭曰奚頭其酒易
醉又魚韻音吁博雅曰大也詩小雅君子攸芋又語
韻音字芋尹楚官左傳芋尹芋地名也說文芋大葉
實根駭人故謂之芋徐鍇曰芋猶言吁吁驚辭故曰
駭人按此說鑿而背理艸木之怪異者非一芋雖大
葉實根何駭人之有面史物性志引說文入芋註非
又爾雅菡萏于註艸生水中一名軒于江東呼菡音
猶本作于舊註軒芋猶艸尤非清廖文英
說文曰齊人謂芋為苦

左思吳都賦曰徇躑鴟之汰則以為世濟陽九注云濟人饑也葉似躑鴟

華陽國志曰何隨字季業蜀郡郫人也除安漢令去

官時巴土饑荒所在無穀送吏行乏輒取道側民芋

隨以帛繫其處使足所取直民視芋見帛相語曰聞

何安漢清廉行過從者無糧必能爾耳持帛送還之

終不受因為語曰安漢吏取糧令為之償

唐書曰章仇置成都市誓文曰大亂不亂蜀有廣漢

大饑不饑蜀有躑鴟

李泌本傳曰泌在衡嶽有僧明瓚號懶殘泌察其非凡人夜往謁之瓚發火芋啗之曰勿多言領取十年宰相

顏氏家訓江南有一權貴誤讀本草蜀都賦注躑鴟芋也乃為羊字人饋羊肉荅曰謝饋躑鴟以上淵鑑類函

庶物類考
卷之五
一

